

Cyfleoedd ariannu ar gyfer grwpiau treftadaeth gymunedol yng Nghymru.

Nid canllaw i sut i ymgeisio am gyllid mo'r ddogfen hon, ond yn hytrach rhestr o'r lleoedd y gallai cyllid fod ar gael. I gael manylion am sgiliau codi arian allweddol, gwelwch y canllawiau ar wahân oddi wrth y Cyngor Archaeoleg Brydeinig a'n dolenni ni i hyfforddiant a chanllawiau a argymhellir.

I sefydliadau treftadaeth gymunedol, mae cyllid yn agwedd allweddol ar gyfer cynnal y grŵp a hefyd ystyried ei estyn a'i ddatblygu i'r dyfodol. Dylai archwilio cyllid y grŵp, edrych am gyfleoedd ac ymgeisio i ffynonellau addas fod yn rhan annatod o galendr unrhyw grŵp ar gyfer y flwyddyn. Mae'n bwysig gwybod lle y gellid dod o hyd i gyllid – mae'n golygu targedu'r lleoedd iawn a chyfyngu'r ymdrechion i gael cyfle gwell o lwyddo.

Canllaw cryno yw'r canlynol i rai ffynonellau ariannu y gall grwpiau treftadaeth gymunedol ymgeisio iddynt.

Cronfeydd sy'n benodol ar gyfer archaeolegol a threftadaeth

Mae yna rai sefydliadau sydd â chronfeydd yn benodol ar gyfer sefydliadau neu brosiectau cymunedol. Mae yna hefyd nifer o sefydliadau ym maes archaeoleg y DU sy'n ariannu ymchwil a hyfforddiant neu'n ariannu mynychu cynadleddau – a allai fod o fudd i'ch grŵp chi.

Cymdeithas Hynafiaethau Cymru



Grantiau a Gwobrau - Cymdeithas Hynafiaethau Cymru

G. T. Clark Prize The Association administers the G. T. Clark Trust Fund, se...

cambrians.org.uk

Cronfa ymchwil – rhwng £500 a £2000, ac mae'n gallu talu am deithio, ymchwil, gwaith maes, gwaith cloddio, gwasanaethau gwyddonol a'r ffotograffiaeth gysylltiedig, darluniau o safleoedd a chysodi canlyniadau. Mae wedi'i gyfyngu i brosiectau yng Nghymru ac mae'n cau i geisiadau yng nghanol mis Hydref bob blwyddyn, i'w hystyried yng nghyfarfod y Gymdeithas ym mis Tachwedd.

Y Sefydliad Archaeolegol Brenhinol (RAI)

Mae gan y RAI gyfres o grantiau bach ar gyfer ymchwil ac maent yn blaenoriaethu prosiectau "rhan-amser ac amatur". Cyfieithiad o'u gwefan:

"Caiff ceisiadau eu hystyried ar gyfer gwaith maes archaeolegol, arolygon, agweddau ar waith cloddio ac ymchwil ar ôl cloddio; cofnodi a dadansoddi pensaernïol; ac ymchwil i hanes arteffactau a chelfyddydau. NI FYDD ymchwil ddogfennol ynnddi ei hun yn gymwys, ond gellir ei hystyried fel elfen o gategorïau eraill. Ffeirir prosiectau o fewn Ynysoedd Prydain y mae rhan sylweddol ohonynt yn cynnwys pobl rhan-amser/ amatur ac mae'n bosibl y'u rhoddir hefyd i'r rheini sy'n aelodau."

Mae yna dri grant:

- Cronfa Ymchwil RAI

Mae dyfarniadau o hyd at £5,000 ar gael bob blwyddyn.

- Cronfa Goffa Tony Clark

Mae hyd at £500 ar gael bob blwyddyn ar gyfer elfennau gwyddonol o brosiectau archaeolegol.

- Cronfa Ymchwil Bunnell Lewis

Mae hyd at £750 ar gael bob blwyddyn ar gyfer prosiectau sydd, o ddewis, yn cynnwys cloddio ac archwilio safleoedd Rhufeinig.

<https://www.royalarchinst.org/grants>

Sefydliadau archaeolegol a hanesyddol eraill

Mae rhestr gynhwysfawr o gronfeydd gan sefydliadau archaeolegol i'w gweld ar BAJR (Adnoddau Swyddi Archaeolegol Prydain) – sylwch fod rhai ar gyfer rhanbarthau penodol, ac mae rhai yn galw am aelodaeth o'r sefydliad cyn y gallwch chi ymgeisio am gyllid:

<http://www.bajr.org/BAJRResources/funding.asp>

Cronfeydd cyffredinol ar gyfer elusennau, grwpiau dielw a grwpiau cymunedol

Cynghorau Lleol a Chynghorau Tref

Mae cronfeydd bach fel rheol ar gael i elusennau, grwpiau cymunedol a grwpiau dielw. Bydd y rhain yn amrywio o'r naill ranbarth i'r llall a bydd ganddynt wahanol ddyddiadau cau a meini prawf ymgeisio.

Wrth ymgeisio am y cronfeydd hyn, mae'n bwysig meddwl am beth fydd blaenoriaethau cynghorau lleol o ran y pethau y byddant yn rhoi cyllid ar eu cyfer. Gwnewch yn siŵr eich bod yn pwysleisio budd eich grŵp i'r gymunedol – trwy roi ffordd i bobl gysylltu a gwella'u llesiant, neu ddatblygu cyfleoedd gwirfoddoli, neu greu llwybrau treftadaeth trwy le penodol, neu gyrraedd grwpiau lleiafrifoedd a grwpiau ar y cyrion – a dangos pam eich bod yn rhan werthfawr o'r gymuned leol.

Gallwch chi ddod o hyd i'r awdurdod lleol iawn trwy chwilio gwefan Llywodraeth y DU yma:

<https://www.gov.uk/apply-funding-community-project>

Sefydliadau Cymunedol

Ar wahân i gynghorau lleol a chynghorau tref, mae yna hefyd Sefydliadau Cymunedol mewn llawer o ardaloedd sydd â grantiau a chronfeydd ar gyfer grwpiau cymunedol ac ar gyfer unrhyw waith sydd o fudd i'r gymuned.

Gallwch chi ddod o hyd i'r un agosaf atoch chi trwy chwilio cyfeiriadur y Rhwydwaith Sefydliadau Cymunedol: <https://www.ukcommunityfoundations.org/our-network>

Groundwork

Elusen genedlaethol yw Groundwork, sef rhwydwaith o ganghennau lleol cysylltiedig sy'n canolbwyntio ar wella ansawdd bywyd. Ei flaenoriaethau yw pobl, lleoedd a ffyniant a'i nod yw adeiladu cymunedau mwy diogel a chryfach, hybu iechyd a llesiant, cefnogi economïau lleol, hybu cynaliadwyedd amgylcheddol, brwydro yn erbyn newid yn yr hinsawdd, darparu pethau i bobl ifanc eu gwneud a mynd i'r afael â diweithdra.

Maent yn gweithio gyda nifer o sefydliadau cenedlaethol i weinyddu eu cynlluniau grantiau – gan gynnwys rhai y gallech chi fod yn gyfarwydd â nhw, fel Grantiau Cymunedol Tesco (Bagiau Cymorth Tesco gynt).

Mae yna ddau brif hyb Groundwork yng Nghymru – De Cymru a Gogledd Cymru.

De Cymru: <https://www.groundwork.org.uk/hubs/southwales/>

Gogledd Cymru: <https://www.groundwork.org.uk/hubs/northwales/?lang=cy>

Nid oes ganddynt unrhyw gynlluniau grantiau sy'n benodol i Gymru ar hyn o bryd, ond mae manylion rhai ar gyfer y DU gyfan i'w gweld yma: <https://www.groundwork.org.uk/apply-for-a-grant/national-grants/>

Cronfa Treftadaeth y Loteri Genedlaethol

Mae'r Loteri Genedlaethol yn un o'r sefydliadau mwyaf i roi grantiau yn y DU ac mae ganddi agweddau o'i chyllid sy'n benodol ar gyfer treftadaeth ac mae grwpiau treftadaeth gymunedol yn gallu ymgeisio am hyn. Mae ymgeisio iddi'n gallu codi braw, yn enwedig am gronfeydd mwy, ond mae ganddynt ganllawiau rhagorol ar waith ac mae eu swyddogion ariannu'n barod eu cymwynas ac yn croesawu ymholiadau cyn unrhyw gais. Gallwch chi gysylltu â wales@heritagefund.org.uk i gael eich rhoi mewn cysylltiad â'ch cynghorydd rhanbarthol.

Mae'n bwysig iawn darllen dwy ddogfen allweddol cyn ichi ddechrau meddwl am grant Cronfa Treftadaeth y Loteri Genedlaethol.

Yn gyntaf, eu canllaw i'r hyn y maent yn ei ariannu:

<https://www.heritagefund.org.uk/cy/node/110955>

Yn ail, eu canllaw i'r deilliannau y maent yn eu disgwyl o brosiectau y maent yn eu hariannu:

<https://www.heritagefund.org.uk/cy/node/110862>

Mae'n bwysig bod eich prosiect neu'ch angen am arian yn cyfateb i'r dogfennau hyn.

Dyma'r prif ddyfarniadau sydd ar gael ar hyn o bryd yng Nghymru: Grantiau Treftadaeth y Loteri Genedlaethol (£3k - £5miliwn), Lleoedd Lleol ar gyfer Natur (cynllun cyfalaf i sbarduno prosiectau sy'n gwella ac yn adfer ardaloedd naturiol, hyd at £250k), a grant Coetiroedd Cymunedol (adfer, creu a rheoli coetiroedd yng Nghymru, £10-250k).

<https://www.heritagefund.org.uk/cy/node/107838>

CGGC (Cyngor Gweithredu Gwirfoddol Cymru)

Mae gan CGGC amrywiaeth o gronfeydd y maent yn eu gweinyddu – o gronfeydd cydnherthedd i helpu grwpiau i ddod dros effeithiau Covid-19, i gronfeydd sydd ar gael ar gyfer cymunedau o fewn pellter penodol i safleoedd tirlenwi, i gefnogaeth ariannol ar gyfer mentrau cymdeithasol.

Mae'r dyddiadau a'r gofynion ymgeisio'n wahanol ar gyfer y rhain – mae'n well edrych ar eu tudalen ariannu'n rheolaidd i gael gwybod beth sydd ar gael a pha un fyddai'r un gorau ar gyfer eich grŵp chi.

Bydd angen i'ch grŵp fod wedi cofrestru ar eu Porth Ymgeisio Amlbwrpas (MAP) i ymgeisio am unrhyw rai o'r cronfeydd hyn, ond mae gwneud hynny'n rhad ac am ddim.

<https://map.wcva.cymru/Account/Culture?returnUrl=%2F>

<https://wcva.cymru/cy/cyllid/>

Cronfa Gymunedol Leol y Co-op

Mae gan ganghennau lleol y Co-op weithiau achos sydd wedi'i enwebu i'w gefnogi, sy'n derbyn canran o'r elw ar rai eitemau penodol sy'n cael eu prynu yn y gangen honno. Mae pobl hefyd yn gallu dewis achos wrth gofrestru i ymaelodi â'r Co-op, ac mae yna ganllawiau ar gael ar sut i hybu'r ffynhonnell ariannu hon i'ch cefnogwyr, eich aelodau a'r cyhoedd ehangach.

I fod yn gymwys, mae'n rhaid ichi fodloni un o'u meini prawf:

- Mae'n galluogi pobl i gael gafael mewn bwyd a chydweithredu i fwydo pawb
- Mae'n helpu i wella llesiant meddwl pobl
- Mae'n cynnig cyfleoedd i bobl ifanc ddatblygu sgiliau newydd a gwneud gwahaniaeth yn eu cymuned

Bydd ar agor i geisiadau eto yng ngwanwyn 2022 – dilynwch eu tudalen we i gael rhagor o fanylion. <https://causes.coop.co.uk/>

Ymddiriedolaeth Adfywio'r Meysydd Glo

Elusen genedlaethol a sefydlwyd ym 1990 i gefnogi cymunedau meysydd glo a chreu cyfleoedd ar gyfer y bobl sy'n byw ynddynt.

Mae grantiau o rhwng £500 a £7000 ar gael ar gyfer prosiectau sydd "yn creu swyddi, yn cynyddu sgiliau, yn gwella iechyd a llesiant, yn ehangu'r ddarpariaeth gofal plant neu'n datblygu cyfleusterau cymunedol."

Rhaid i brosiectau fod â'u sail mewn cymuned maes glo gymwys neu allu dangos buddion clir ac uniongyrchol i gymuned maes glo gymwys. Rhaid i brosiectau fod o fudd i'r gymuned ehangach.

Nid yw pob rhanbarth yn gymwys i ymgeisio – rhaid ichi wirio'u meini prawf. Gellir gweld eu ffrydiau cyllido sy'n benodol i Gymru yma: https://www.coalfields-regen.org.uk/wales_support/funding-wales/

Ymddiriedolaethau sy'n rhoi Grantiau

Mae yna filoedd o ymddiriedolaethau sy'n rhoi grantiau yn y DU – mae llawer yn ariannu mathau penodol o brosiect neu sefydliad, mae rhai yn fwy agored ac mae eraill ar agor drwy wahoddiad yn unig. Mae'n fyd cymhleth ac, fel rheol, mae codwyr arian proffesiynol, amser llawn sy'n arbenigo mewn ymgeisio i nifer fawr o'r ymddiriedolaethau hyn yn gobeithio cael llwyddiant o 10%.

Fodd bynnag, mae'n hawdd mynd ar ofyn rhai o'r Ymddiriedolaethau hyn ac maent yn ffordd dda iawn o ddod yn "adnabyddus" i arianwyr – unwaith y mae sefydliad yn gwneud cais llwyddiannus i un ymddiriedolaeth mae ymddiriedolaethau eraill yn fwy tebygol o'u hystyried yn opsiwn hyfyw. Prin iawn yw gofynion ymgeisio neu adrodd rhai ohonynt, sy'n golygu bod yn rhaid i grwpiau dreulio llai o amser ac adnoddau ar ddrafftio ceisiadau ac adroddiadau.

Mae yna restr ganolog o'r holl ymddiriedolaethau hyn - Directory of Grant Making Trusts y Directory of Social Change (DSC). <https://www.dsc.org.uk/publication/the-directory-of-grant-making-trusts-2022-23/>

£125 yw'r pris am hwn ac mae'n cael ei ddiweddarau bob blwyddyn, ond bydd y fersiwn ddiweddaraf fel rheol ar gael yng nghasgliad llyfrau cyfeirio llyfrgelloedd lleol. Mae'n werth chweil cronni ymdrechion gyda grwpiau lleol eraill i ymchwilio i'r ymddiriedolaethau posibl i ymgeisio iddynt, a hyd yn oed cyflwyno ceisiadau ar y cyd.

Mae CGGC yn rhedeg cwrs rheolaidd o'r enw "Cyflwyniad i godi arian drwy ymddiriedolaethau a sefydliadau" a fyddai'n ddefnyddiol i unrhyw sefydliad sydd eisiau ystyried y model ariannu hwn. Gallwch chi gofrestru i dderbyn eu diweddariadau er mwyn cael gwybod am ddyddiad eu cwrs nesaf: <https://wcva.cymru/cy/training-events/cyflwyniad-i-godi-arian-drwy-ymddiriedolaethau-a-sefydliadau/>

Sicrhau'r wybodaeth ddiweddaraf

Sylwch mai dim ond gwybodaeth a oedd yn gyfoes ar adeg ysgrifennu 'r ddogfen hon sydd ynddi. Mae yna nifer o wefannau a gwasanaethau diweddarau sy'n rhestru'r cyfleoedd ariannu cyfredol – argymhellir eich bod yn cofrestru i dderbyn eu negeseuon e-bost neu'n gwirio'u gwefannau'n rheolaidd. Mae'r canlynol yn adnoddau da i gael y wybodaeth ddiweddaraf:

CGGC sy'n rhedeg Cyllido Cymru a dyma'r rhestr fwyaf cyfoes, cynhwysfawr o gyfleoedd ariannu amser-gyfyngedig. Mae angen cofrestru i weld manylion cyfleoedd, ond gallwch chi wneud hyn yn rhad ac am ddim. <https://cy.funding.cymru/>

Grants Online - Cymru
<https://www.grantsonline.org.uk/region-news/wales/>

The Heritage Funding Directory – mae gan hwn gronfa ddata y gellir ei chwilio am gyfleoedd ariannu, yn ogystal â rhywfaint o ganllawiau ar ymgeisio ac astudiaethau achos o brosiectau llwyddiannus (ledled y DU, ond mae modd ei hidlo i weld Cymru yn unig).
<https://www.heritagefundingdirectoryuk.org/>